



Aningaasaqarnermut Ataatsimiititaliap suliaq 01.31.06/07-00269 pillugu ulloq 15. august 2007-imi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 12. juli 2007-imi aalajangiinerani imm. 1)

Sisimiuni reeferinut ikkuffiit amerlineqarnissaannut aningaasaliissuteqarnissamik qinnuteqaat

Naalakkersuisut **inassutigaaat**,

- kontomi pingaarnermi 87.73.11-imi, Sanaartugassanut umiarsualivinnut tunngassutilinnut tunngasumi, suliassamut nr. 080.24.110-mut, Sisimiuni reeferinut ikkuffiit amerlineqarnissaannut tunngasumut, aningaasaliissutit 1 mio. koruuninik amerlineqassasut.
- kontomi pingaarnermi 80.00.01-mi, Nuussinissanut sillimmatinut tunngasumi, aningaasaliissutit 1 mio. koruuninik ikilineqassasut.

Aningaasaqarnermut Ataatsimiititaliap oqaaseqaatai

Sisimiuni reeferinut ikkuffiit 28-inik amerlineqarnissaannut, taamaalillutillu katillutik 108-nngortinneqarnissaannut 1 mio. kr.-inik aningaasaliissuteqarnissaq Naalakkersuisut suliama matumani qinnutigaaat.

Reeferinut ikkuffiit amerlinissaannut aningaasaliissuteqarnissaq Aningaasaqarnermut Ataatsimiititaliap siusinnerusukkut akuersissutigaa, tak ataatsimiititaliap 7. november 2006-imi aalajangiinera (Suliap normua 01.31.06/06-200).

Tassunga atatillugu akisussaaffiup aningaasaqarnerullu imminnut ataqatigiinnerunissaat sulissutigeqqullugu Naalakkersuisut ataatsimiititaliamit kaammattorneqassapput, taamaalilluni assersuutigalugu suliffeqarfinni Namminersornerullutik Oqartussanit tamakkiisumik ilaannakuusumilluunniit pigineqartuni attaveqarnermut tunngasutigut tassangaannaq pisariaqartinneqalersunik aningaasalersuineq aningaasaqarnikkut pingaarnertut tullerriaarineq akimorlugu landskarsimit kisermaallugu akiligassanngortinneqartaqqunagit.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua

